

Vulais Vus surdar uschia la Svizra a noss uffants?

P.pl.
suttascriber
immediat e
trametter enavos
il formular.
Grazia!



I dat mo ina resposta:

NA a la smesada da l'armada

Per tge vai?

Sin il continent europeic è la situaziun da segirezza daventada drasticamain mendra. Attatgas da terror, ils conflicts en l'Ucraina, il bancrut dal stadi factic da plirs pajais da l'UE, la crisa da l'euro, ils moviments da fugitivs islamics dals pajais da l'Africa dal Nord, dal Proxim Orient e da l'Orient Central bumbardads e sfratgads, las consequenzas da la midada dal clima ed auters privels smanatschan nossa segirezza.

Nus stuain far quint cun il mender ed ans preparar per il pir.


Il Parlament federal è da l'opiniun che quai saja il «dretg» mument per smesar nossa armada! Da l'effectiv actual da 220'000 sin mo pli gist 100'000!

NA
a la smesada
da l'armada



pievel

1990


**800'000 burgaisas e burgais en unifurma**

Svizra: 6,7 miu. abitants

armada = 12% da las burgaisas e dals burgais protegian pajais ed avdants a moda efficazia e credibla

«classe politique»

2018

**100'000 burgaisas e burgais en unifurma**

Sivzra: 8,5 miu. abitants

armada = 1,2% da las burgaisas e dals burgais na pon betg pli proteger nus**Perquai: tagl radical da segirezza per il factor 10!**

Sch'i giess tenor il parlament, defendess mo pli mintga otgantavel noss pajais, entant ch'ils ulteriurs 98,8% persequitassan ils eveniments passivamain sin canapé.

Il pievel svizzer ha fixà in effectiv da l'armada da 220'000 (votaziun dal pievel dals 18 da matg 2003). Il Cussegl federal vul ussa surpassar questa prescripziun stringenta senza dumandar il pievel.

Uschia betg!

Provenienza dell'espressione «dimezzamento»: 14.069 – «Botschaft zur Änderung der Rechtsgrundlagen für die Weiterentwicklung der Armee vom 3. September 2014», cifra 1.1.5 «Bestand», emprima alinea «halbiert», suttascrit dal president dal Cussegl federal Didier Burkhalter.

Tge capita, sche nossa armada svizra vegn smesada?**🤔 La Svizra na po betg pli sa defender**

Nus na pudain betg ans defender cunter las smanatschas las pli privlusas (attatgas da l'exteriur da tuttas sorts, attatgas da terror, revoltas internas, ...). A smanatschas pli pitschnas pudain nus mo pli far frunt temporalmain e localmain e quai a moda fermamain restrenschida. Per consequenza patiss la populaziun fitg ed ins stuess quintar cun destrucziuns massivas dal possess e da l'infrastructura.

🤔 Il fundament da noss stadi vegn destrui

La segirezza è il fundament da nossa societad, da nossa pasch e da nossa libertad. Il rest è supplement. Proteger pajais ed avdants è la premissa da noss stadi. Quest fundament vegn disfatg intenziunadamain, malfundadamain e nunponderadamain e svanescha per adina.

🤔 La Constituziun federala vegn surpassada

L'artitgel 58 da nossa Constituziun federala prescriva: «L'armada ... defenda il pajais e sia populaziun». Questa disposiziun na po in'armada smesada betg pli ademplir, per far quai è ella bler memia debbla. I resta ina «truppa da surveglianza reducida» betg perseveranta. Gnanc l'infrastructura critica na po vegnir protegida sufficientamain.

🤔 La credibladad va a perder

In'armada smesada in'ulteriura giada n'è betg pli credibla. L'effect da starmentar actual va a perder. Uschia fa la Svizra da sasezza ina finamira d'attatga e da terror lucrativa. La populaziun vegn a stuair pajar char persuenter.

🤔 L'avantatg dal lieu vegn dà si

La segirezza è stada fin uss in avantatg dal lieu impurtant da noss pajais. Ins renunzia ad ella. Interpretas vegnan a bandunar il pajais betg pli segir, bleras giuvnas Svizras e blers giuvens Svizzers vegnan ad emigrar en pajais segirs, avant ch'igl è memia tard.

Il stadi capitulescha

L'idea che la segirezza na duaja betg pli esser in'incumbensa centrala dal stadi vegn ad avair in effect devastant. Cun renunziar a la garanzia da la segirezza publica cun meds statals capitulescha noss stadi, sco che nus al enconuschain enfin uss.

L'armada professionala vegn preparada

Funcziuns da cader pli autas duain vegnir occupadas da nov cunzunt da militars professionals. In'armada professionala po vegnir duvrada cunter l'atgna populaziun. L'armada da milissa actuala betg, ella ha adina protegì la voluntad da la populaziun.

La solidaritad erodescha

La solidaritad stabilida enfin ussa grazia a l'obligaziun al servetsch militar generala da tut las gruppas socialas da la populaziun vegn sutminada. La buna chapientscha vicendaivla vivida pli baud e francada en il decurs dals onns particularmain en il rom da servetschs militars cuminaivels va a perder. Ella vegn substituida dal motto «mintgin per sasez» che ha effects devastants per nossa convivenza e pasch sociala.

L'armada perda il sustegn da la populaziun e da l'economia

L'armada perda il sustegn da la populaziun. Sche mo pli mintga otgantavel fa servetsch militar, degradesch'ins ils commembers dal militar sco gruppa marginala. Perquai ch'els ston frequentar curs da repetiziun, als dischavantagescha l'economia pli e pli en il rom d'engaschaments da personal.

Il dretg internaziunal vegn violà

L'effect da starmentar attatgaders da tuttas sorts che va a perder signifitga ina renunzia extendida a la politica da la neutralitad armada francada en il dretg internaziunal dapi il Congress da Vienna il 1815. Sulettamain ina neutralitad armada credibla vegn respectada. Cun smesar l'armada procura la Svizra per in vacuum da segirezza malsegir amez l'Europa.

La giuventetgna vegn surduvrada

La luschezza d'enfin ussa d'esser part d'ina armada ferma e credibla daventa istorgia. Ils giuvenns n'han chapai vlain nagin gust d'esser il «pavel da chanuns» d'ina armada fictiva e tiran las consequenzas. Els vegnan a volver il dies a l'armada.

La Svizra po vegnir messa sut squitsch anc pli facilmain

La capacita mancanta da la Svizra da sa far valair e la voluntad mancanta da sa defender fan ch'il Cussegl federal ed il parlament pon vegnir mess sut squitsch e sfurzads anc pli facilmain. La Svizra daventa in termagl per pussanzas estras.

Ils pajataglias vegnan engianads

Burgaisas e burgais duain sbursar a la cassa federala prusamain e constantamain lur daners da taglia acquistads cun dira lavur, persunter però desister dal servetsch vertent da la «segirezza publica». Il pievel e l'economia vegnan engianads e tradids cumpletamain.

L'armada da milissa survegn il culp mortal

Nossa armada represchentava enfin ussa nossa societad civila. Glied da professiun da tut ils mastergns han purtà lur enconuschientschas e lur experientschas en il servetsch militar. Da quai ha l'armada profità fitg. Per quai han experts militars da l'exteriur enviglià nus fitg. La refurma dal militar vegn a dar a quest princip da milissa il culp mortal, perquai che l'access a la furmaziun supplementara per schuldads da milissa duai vegnir difficultà.

Uniuns sa schlian

Uniuns da tiradurs, associaziuns da sutuffiziers, societads d'uffiziers ed uniuns professionalas militaras vegnan a perder massivamain commembers pervi dal tagl radical dramatic. Bleras vegnan ad esser sfurzadas da sa schliar. Ina part impurtanta da la cultura d'uniuns federala va a perder irrevocablamain.

L'economia publica vegn donnegiada grevamain

Turists da tut il mund vegnan a guntgir ina Svizra betg segira ed empè reservar lur vacanzas en pajais segirs. Interpresas e glied giuvna inquietada bandunan ina Svizra betg pli segira. Investiders vegnan a prelevar lur daners da la Svizra. Plazzas da lavur van a perder. Pretschs d'immobiglias vegnan a sa sbassar. Las bancas vegnan a pretender rembursaments da proprietaris d'immobiglias, ad ingiantar sfurzadamain immobiglias e ruinar proprietaris da chasas.

Ils chantuns vegnan laschads a mesa via

La populaziun dals chantuns vegn surlaschada a ses destin. En cas da gronds eveniments stattan strusch a disposiziun forzas militaras als chantuns. En mintga cas betg a moda perseveranta e durant 7 giadas 24 uras e durant pliras emnas u mais. Ins na po betg pli procurar per ruaus ed urden. Ins na po betg pli proteger las infrastructuras criticas (energia, aua, nutriment, traffic, ospitals, autoritads, euv.), il provediment vegn a dar ensemen.

Las burgaisas ed ils burgais s'armeschan

Las burgaisas ed ils burgais fan persenn che lur pajais na po betg pli gidar, per exempel en il cas da revoltas internas. Els vegnan a stuar procurar sez per lur segirezza ed a s'armar per pudair proteger effectivamain sasez e lur famiglias en cas d'urgenza.

Ina decisiun sbagliada istorica na po betg vegnir curregida

En il cas da basegn na basta il temp betg per reconstituì l'armada ad uras. Igl è memia tard, per mintga emprova. La serrada da blers ospitals militars, deposits da carburants, deposits da nutriment, centers directivs, chastels-fortezza, lavuratori, plazzas aviaticas, alloschis e plazzas d'armas indeblescha massivamain l'armada. Questas serradas èn definitivs ed irrevocablas. En pli han ins demolì nunnecessariamain ils ultims onns bier material che fiss stà pront per il diever – sco pumpiers che bittan davent ils uders vegls, avant ch'ils novs èn qua.

La vardad davart la smesada da l'armada: enorm blers daners da taglia vegnan sfarlattads!

- **Tagl radical** da l'effectiv da l'armada d'actualmain 177 battagliuns (200'000 schuldads) sin anc 108 battagliuns (100'000 schuldads), tranter auter reducziun da tut las furmazions da reserva (52 battagliuns).
- Renunzia a trais ulteriuras **plazzas aviaticas da jets da cumbat** (F/A-18, F-5) a Buochs, Dübendorf e schizunt a Sion (suletta piazza aviatica averta en cas da mal'aura en il Nord da las Alps!). I restan sulettamain Payerne e Meiringen e sco piazza aviatica da guntgida Emmen. Facit: quai signifitga facticamain la fin da nossa aviatica militar. Acquistar novs aviuns daventa absurd, perquai che las plazzas aviaticas correspondentas mancan.
- Renunzia a **tut l'infrastructura da cumbat** (tut ils posts da bloccada e l'entira artiglieria da fortezza). Suenten la Guerra freida han ins construi blers indrizs d'artiglieria cumpacts, precis ed armads fitg bain per lung da las axas da traffic e dals cunfins nazionals per remplazzar las fortezzas alpinas. Quests implants novs e gist terminads duain ussa vegnir deconstruids.
- Il dumber dals **implants da cumond sutterrans e secrets** vegn reduci massivamain.
- **Infrastructura da furmazion**: 5 plazzas d'armas (Friburg, Geneva, Lyss, Moudon, Saint-Maurice) vegnan serradas, trais ulteriuras (Walenstadt, Mels, Pass da S. Gliezi) reunidas ad ina.
- Annullaziun da **130 plazzas da furmazion, d'exercizi e da tir**: Renunzia a las plazzas da tir da Gluringen, Breil, Glaubenberg e Schwarzsee. Renunzia al center da furmazion Kreuzlingen.
- **Logistica**: renunzias decisivas en connex cun l'infrastructura da logistica sutterrana (deposits da munizium e da material, implants cumbinads, lavuratori da reparaturas, deposits da carburants, euv.) e cun numerus deposits d'aglomeraziun.
- Serrada da **tschintg ospitals militars**, unicamain in singul ospital militar sutterrann «surviva».
- Serrada da **10 alloschis da muntogna** e da **15 champs da las truppas**, da **60 alloschis communalis** e d'antieriurs implants da las truppas per la protecziun da l'aria.
- Renunzia ad **in terz da tut las immobiglias da l'armada**.

NA
a la smesada
da l'armada

Las modernisaziuns empermessas da l'«Armada XXI» n'èn mai propi vegnidas realisadas. Da smirvegliar: dapi il 2003 n'han ins acquistà betg in singul sistem d'armas nov! Senza spetgar il resultat da la decisiun dal pievel en connex cun il «Svilup da l'armada» ha il Departament federal da defensiun, protecziun da la populaziun e sport cuntinuà schizunt suenter il cumenzament da la planisaziun areguard il «Svilup da l'armada» cun las accziuns da demoliziun (a moda autocrata e senza decisiun dal parlament, malgrà l'approvaziun da la «Moziun 11.4135 Paul Niederberger»).

- Dals 383 **chars armads da cumbat «Leo II»** èn sulettamain anc 134 pronts per il diever!
- Da 560 **aubizas armadas M109** èn restadas anc 133!
- Da 626 unitads da fiu per la defensiun cunter aviuns (Stinger, MFlab, Rapier) èn oz mo pli 160 prontas per il diever!
- Ins ha reduci la **flotta d'aviuns da cumbat F-5E/F-Tiger** da 110 sin 55. Pronts per il diever èn anc 26!
- 365 **chars armads da grenadiers 63/89 cun effizienz da cumbat augmentada** han ins demoli il 2012 (ulteriurs 550 M113 han ins gia demoli avant, 132 M113 supplementars suondan cun il «Svilup da l'armada»!).

Ins sfarlatta enorm blers daners da taglia davos il dies da las burgaisas e dals burgais!

Il budget da l'armada resta il medem, il dumber d'uffiziers professiunals en rang da general resta prest tuttina (reducziun da 55 sin 49) e l'effectiv dals collavuraturas stabels resta praticamain il medem (reducziun da 9500 sin 9200)!

Schai NA a quest suicidi da nossa segirezza!

Terrur e guerra en l'Europa:

NA a la smesada da l'armada

il Cussegl federal vul smesar nossa armada! (da l'effectiv actual da 220'000 sin mo pli gist 100'000). Uschia na po l'armada betg pli ademplir sia incumbensa costituzionala (artitgel 2 e 58 da la Constituziun federala)! Ella è bler memia flailva!

L'armada ha l'incumbensa da proteger effizientamain il pajais ed ils avdants cunter mintga smanatscha!

Nossa armada sto da tut temp:

- + mantegnair il ruau e l'urden conform a la costituziun (smanatschas da terror, revoltas, sblundregiadas, blackouts, ...)
- + proteger 1'000 infrastrukturas criticas (ovras atomaras, deposits da nutriment, provediment d'aua, deposits da carburants, Viafiers federalas svizras, plazzas aviaticas, autoritads, ambassadas, puncts centralis da traffic, comunicaziun, passagis dal cunfin, rait electrica, deposits da chemia, ...)
- + pudair proteger nossa populaziun e noss pajais era cunter in'attatga militar da l'exteriur

Cun smesar l'armada anc ina giada è quai nunpussaivel!

L'«armada nova» duai avoir mo pli 24'000 infantarists!

Sch'ins quinta cun quatter midadas en in manaschi da 7x24 uras durant in temp pli lung, èn quai 6'000 infantarists che pon esser en servetsch perseverantamain en tut la Svizra il medem mument (sche l'entira armada è mobilisada!).

La Svizra ha ina surfatscha da 41'285 kilometers quadrat.

Per **7 kilometers quadrat** è damai «en acciun» **in sulet infantarist solitari!**

Quai èn 35 schuldads per il chantun da Zug, 250 per il chantun da Turitg e mo pli 1'032 per il Grischun sco chantun da cunfin!

Il Cussegl federal ans vul dar da crair ch'ils artitgels costituziunals menziunads survart possian uschia vegnir ademplids en mintga cas (damai er en cas da smanatschas per tut la Svizra e betg mo en cas d'eveniments singuls isolads).

Quai è simplamain ridicul! Perquai: **NA a la smesada irresponsabla da nossa armada!**

Nus vulain in'armada svizra moderna, ferma e credibla!

Quest referendum vegn finanzià a moda privata. Donaziuns èn fitg bainvegnidas! Daventai nunliantamain commember dal comité da burgais!

Vus pudais empustar ulteriuras glistas da sutscriziun sin www.armada-smesada-na.ch

Comité da burgais Per nossa segirezza, Chascha postal 7701, 6302 Zug

Visitai nus sin www.armada-smesada-na.ch

Tge din las burgaisas ed ils burgais davart la smesada da l'armada?



La destabilisaziun da la situaziun strategica pudess avair per consequenza en il proxim temp ina guerra en l'Europa. Il discharmament da la Svizra, ordinà dal Cussegl federal e dal parlament, na cuntradi betg mo a quest svilup privlus, era l'International Institute for Strategic Studies a Londra criticgescha l'intenziun da sa discharmar en il nov Military Balance.

Albert A. Stahel
professer, expert da strategias



Il mund daventa pli e pli malsegir. In sguard en il passà mussa: nossa armada da milissa actuala è nossa identitad e garantescha la segirezza; in'armada pli

pitschna periclitgescha nossa libertad. Perquai NA al «Svilup da l'armada».

Ursula Keiser
referendaria da contabilitad



Smesar l'armada ina terza giada e quai durant il temp dal terrorissem e da la nova Guerra fraida è in agir senza nagina responsabladad!

Adrian Murer

student, primlitenent



Il 2000 ha il pievel tramess da l'aua giu l'iniziativa da la sanestra da smesar l'armada. Oz vul il parlament smesar l'armada. Jau rest stataivel e di NA.

Markus M. Müller
lic. eco. HSG, interprendider, litinent colonel en il stab general



La segirezza è memia impurtanta per mai; il pievel duai pudair decider da quai cun votar.

David Winteler
gestiunari, maior ord servetsch



Per nossa Svizra, per in futur en segirezza.

Peter Aliesch, dr. fil. nat., anteriur cusseglier naziunal e cusseglier guvernativ



L'uschenumnà «Svilup da l'armada» n'è nagut auter ch'in grond engion d'etichezzas.

Martin Fricker
cussegliader da comunicaziun e docent, chapitani ord servetsch



Smesar ussa l'armada è tutina sco d'annullar l'armada. Tgi che crai ch'ins possia rearman personalmain e materialmain in'armada da milissa credibla entaifer

paucas emnas u intgins mais, sto resguardar che quai è temporalmain e logisticamain nunpussaveil.

Philip C Brunner, interprendider independent, chapitani ord servetsch



A mai plascha in'atgna armada ferma bler meglier ch'ina estra!

Bernhard Künzi
corporal manischnunz



Noss giuvens n'han betg merità da stuaier servir en cas d'urgenza sco pavel da chanuns en in'armada d'alibi che n'ha nagina schanza.

Willi Vollenweider

insch. el. dipl. SPF, primlitenent, deputà, Zug



La situaziun da segirezza en l'Europa è sa midada massivamain ils ultims dus onns. Sut las circumstanzas actualas èsi naiv da smesar l'effectiv da l'armada.

Tonja Kaufmann, cussegliera communal, presidenta da la GPPS Argovia, scheffa da cuschna ord servetsch



Sch'ins chapescha tge process che ston gartegiar davosvart, ves'ins ch'il «Svilup da l'armada» na vegn betg a funcziunar.

Markus Liebi

student, constructor da maschinas SPF, litinent



Per mantegnair nossa neutralitad e per tegnair pitg a las sfidas futuras sto nossa armada esser gronda avunda e bain preparada.

Per quest motiv NA ad in'ulteriura diminuziun da l'armada.

Urs Cadruvi, Betriebsökonom



Ina meglra furmaziun u in meglier armament na remplazza betg il camarat che surpiglia il post a la fin dal servetsch.

Marvin Gorkiewicz

student, constructor da maschinas SPF, litinent



I am of Swiss descent who has lived in the US for over 30 years and am very proud of my heritage. The decision to cut the Swiss Army by 50% in uncertain

times like these is not only very shortsighted but outright dumb. I hope the Swiss People will stop this nonsense!

Verena Zbinden,
Restaurant owner, Marfa, Texas



Porscher a lur umans segirezza, quai è l'incumbensa principala dals stadis. Sco cuntramesira per la renconuschientscha da la neutralitad stuain nus impedir cun forza

l'access a la Svizra, e quai a tut las pussanzas. Omduas chausas na pudain nus betg pli far.

Gotthard Frick
economist & business administrator



In'armada smesada – in'aviatica militar smesada. Tgi protegia noss pajais en cas d'urgenza?

Felix Meier
colonel ord servetsch




Jau na poss betg acceptar la smesada da l'armada, perquai che nossa figlianza ha er il dretg d'avair ina patria segira.

Roland X. Achermann
informaticher pensiunà, chapitani ord servetsch



Il «Svilup da l'armada» indeblescha la disponibilitad da l'aviatica militar, perquai di jau NA al «Svilup da l'armada».

Patrick Walder
president Forum Flugplatz Dübendorf, fiduziari, schuldà



Perquai ch'i n'ha betg brischè ier, na smesain nus oz betg la squadra dals pumpliers. Nus duvrain ils 220'000 umens da nossa armada da milissa existenta

per in futur segir.
Nadine Mattli, Cham, studenta



Il dretg d'existenza d'in stadi è da proteger il pajais ed ils avdants. Ils ultims «paupers diavels stataivels» previs per ademplir questa incumbensa fan totalmain ridicula la

Svizra.
Hans Rudolf Wehrli
scriptur ed agent da reclama, chapitani